

皇朝政典類纂

皇朝政典類纂卷二百六十

禮八

吉禮 奉先殿 壽皇殿 恩祐寺 安祐宮 永祐寺 皇乾殿 綏成殿

凡致祭 奉先殿之禮 國家崇建 奉先殿於 景運門之東祇奉 列聖 聖后神位日獻食月薦鮮朔望朝謁時節展拜出入啟告恭遇 聖誕忌辰及諸令節 慶典則於 後殿上香行禮恭遇 皇太后萬壽 皇帝萬壽元旦冬至及 國有 大慶則奉請 神位於 前殿祭饗 皇帝親饗 奉先殿通禮

若遣 皇子祭饗 前殿祭前諸儀屆日 殿內外陳設均與 親饗同通禮

遣王公內大臣祭饗儀節均與 皇子同通禮

奉先殿前殿正中一間設龍寶座一於左鳳寶座一於右左一間設龍寶座一於右次左鳳寶座二右一間設龍寶座一於左次右鳳寶座二左二間設龍寶座一於右次左鳳寶座四左二間設龍寶座一於左次右鳳寶座二左三間設龍寶座一於右次左鳳寶座二均南嚮每間各設籩豆案一香帛案一鑪一鐙二右三間西旁設鳳寶座一東嚮前設籩豆案一香帛案一鑪一鐙二東西序設尊案香案帛案各一殿內設羊角座鐙二十四鼎鑪香几各二十四 後殿寢室各設龕座寶牀帳幔帷幄席褥衾枕樺施 寢室內設案一陳鑪一鐙二油鐙二花瓶二 寢室門外每 神位設寶椅一每室設案一前帛案一香几一陳香鑪一香盒一羊角座鐙二東西序設尊案爵案帛案各一其兩繖七行祇告禮於中一室外右旁設祝案一穿堂設羊角座鐙四 前殿 後殿階下左右各設朝鐙二遇大慶日 奉先門內正中設門鑪香案一祭時焚香自 誠肅門至 前

殿階上階下共設座鐙六十穿堂兩廂及東夾道共設座鐙二十祭日點鐙均於祭前一日營造司安設禮成撤回殿東陳設磨一搏拊一柷一琴五瑟二簫五笛五排簫一篴三壎一笙五鼓一金鐘一殿西陳設磨一搏拊一敵一琴五瑟二簫五笛五排簫一篴三壎一笙五鼓一若大鑾每神位前奉先制帛一孝淑皇后

素帛一金爵三登一鉶一金七一金箸一雙尊一每案簋二簋二籩十有二豆十有二簋一鑪一鐙二祝版以枹木爲之高一尺闊二尺厚五分糊以白紙黃紙緣邊墨書其登鉶簋籩豆之實登實以太羹用清肉汁不和鉶實以和羹以熟羊肉爲之簋實以黍稷以黍米稷米爲飯簋實以稻粱以秬米粱米爲飯籩實以形鹽藁魚栗棗菱茨脯元旦萬壽聖節用鹿脯朔望用羊脯白餅白麪爲之黑餅取麪爲之糗餌梔子水和米粉爲之粉麥糯米粉爲之豆實以韭菹以青韭切四寸醃醃切豕肉以五味調和青菹以白菜切四寸鹿醃朔望用羊醃芹菹以芹菜切四寸兔醃切生兔爲之筍菹以片筍切四寸魚醃切鮮魚爲之脾析細切羊肚爲膾豚拍以豕肩肉切圓飽食以糯米爲飯和以蜜糝食以秬米爲飯和以羊膾尊春用犧尊夏象尊秋著尊冬壺尊若祇告每神位前奉先制帛一孝淑皇后素帛一金爵三金七一金箸一雙尊一每案籩六實以脯經

施用鹿餘用羊葡萄核桃仁棗實榛仁蓮子豆二實以鹿醃與鹿脯同兔醃醃一鑪一鐙二列聖聖誕列

聖列后忌辰元宵清明四月八日霜降歲除均於後殿每神位前設瓷爵三果實十二盤立春端陽重陽設果實八盤均熟羊肉豕肉各一盤自十二月初七日至元宵用野雞鹿肉四月八日不設酒肉每年以十

二月二十七日爲始前殿後殿張挂慶成鐙四十盞歲除元旦立春皆點鐙萬壽聖節陳設朝鐙四盞

路鐙九盞座鐙六十七盞會典事例

原定 前殿大祭 後殿告祭恭進祝版俱於五日前請 旨會典事例

原定凡大饗 奉先殿用樂舞內監六十三名歌章內監十六名武生掌誓內監二名武舞生六十四名文生掌誓內監二名文舞生六十四名門上司香內監二名望燎所內監五名茶役二十名缺出召募民人頂補廚役十六名由太常寺撥給會典事例

凡薦新儀正月薦鯉魚青韭鴨卵二月薦蒿苣菜菠菜小蔥芹菜花鰕魚三月薦王瓜薤蒿菜薺菜茵蒿菜水蘼菊四月薦櫻桃茄子雞雞五月薦杏李蕨菜香瓜子鵝桃桑椹六月薦柱梨西瓜葡萄蘋果七月薦梨蓮子菱榛仁藕野雞八月薦山藥栗實鴨九月薦柿鴈十月薦松仁軟棗薺菇木耳十一月薦銀魚鹿肉十二月薦芡茅綠豆茅兔鰾鱮魚其豌豆大麥文官果或奉 旨特薦鮮品皆遣內監供獻行禮通考

順治十三年十二月 世祖章皇帝命建 奉先殿 景運門之東北西曰 奉先殿西曰 誠肅門正曰

奉先門 前殿 後殿均九間南嚮如 太廟寢制中爲堂以聯前後緣以周垣左列 神庫前列 神廚通

志

是月戊戌諭禮部朕考往代典制歲時致享必於 太廟至於晨昏謁見朔望薦新節序告虔聖誕忌辰行禮

等事皆另建有奉先殿今制度未備孝思莫伸朕心愀然爾部卽察明舊典具奏嗣經部奏以明年正月庚午

奉先殿

十四年正月禮部奏 奉先殿初安 神位 上親詣致祭內大臣侍衛內府官隨行禮太常寺贊禮官贊禮

樂舞生作樂各司其事以後 親詣致祭俱行家人禮內大臣侍衛內府官不與陪祀應令內府官贊禮作樂

如前行禮其元旦冬至 萬壽係大節諸冊封係大禮及月朔望俱應 親詣致祭內府官贊禮作樂其供獻與 太廟大祀同立春上元四月初八日端陽重陽係尋常節忌辰清明霜降十月朔係哀慕日期 親詣致祭均不贊禮作樂七夕不致祭止如常供中元中秋係望日常祭日期不必重行每月隨時薦新 上躬詣供獻但係常例供獻不必請 神位於 前殿卽於 後殿供獻 上享 太廟或祭畢俱應上香燭於 奉先殿行躬告禮得 旨 奉先殿初次行禮宜用祝文餘俱如議通考

是年定每日供獻湯飯果五盤肉五盤上香行禮通考

又定 御經筵前期 行幸前期 還宮次日均於 後殿讀祝祇告通典

又議奏如遇 親祭 壇 廟遣內大臣一人於 奉先殿行禮如不 親詣 壇 廟仍 親詣 奉先殿

行禮會典事例

十一月 奉先殿告成恭奉 太祖高皇帝 孝慈高皇后 太宗文皇帝 孝端文皇后神牌奉安 奉先

殿 世祖章皇帝親詣行大饗禮如儀通志

是年定 列聖 列后忌辰及元宵立春清明四月八日端陽霜降重陽除夕皆於 奉先殿致祭獻果品十

二色肉二盤酒三爵會典事例

是年議准每月薦鮮獻粢盛牲品會典事例

又奏准每年正月初九日張懸慶成鐘每 室二聯元宵三日點鐘十七日撤出會典事例

是年定 後殿寢室各設神龕寶牀帷帳幔揮施會典事例

是年定元旦冬至歲除 皇太后聖壽 萬壽聖節 冊封吉日及每月朔望奉請 神位於 前殿設籩豆

讀祝奏樂祭饗行禮會典事例

又禮部奏准凡大饗 奉先殿 皇帝親詣行禮內務府官贊禮作樂其供獻禮儀與太廟大饗同會典事例

又奏准恭奉 神位官於內務府屬郎中員外郎內按 神位各奏簡一人備一人會典事例

十七年三月辛巳定 奉先殿祫祭禮先是辛未 諭禮部 奉先殿祀 太祖 太宗神位未及併祀 四

祖於朕孝思未展今稽舊制歲終祫祭之外有 奉先殿祫祭之禮以後元旦 皇太后萬壽及朕壽節俱照

例祭告奉 太廟後殿 四祖神牌於 奉先殿與 太祖 太宗合享位次照 太廟祫祭禮祀畢仍恭送

神牌於 太廟後殿祭日遣官八員恭請 四祖暨 后神牌自 太廟迎入 奉先殿祭畢仍恭送 神

牌還 太廟後殿從之通考

五月 諭工部 奉先殿享祀 九廟稽考往制應除東西夾室行廊中建敝殿九間斯合制度前興工時該

衙門未加詳察連兩夾室止共造九間殊為不合今宜於夾室行廊外中仍通為敝殿九間以合舊制爾部即

會同宣徽院詳議具奏尋遵 旨議上興工改建通志

八月己酉以 追封 皇貴妃為 皇后遣官祇告 奉先殿通考

十八年正月 聖祖仁皇帝定 奉先殿祭典是月癸亥 諭禮部及議政王貝勒大臣等奉先殿設立 上帝

壇 奉先殿著查歷代有無舊例定議具奏尋議覆歷代舊制祇有冬至祀 天入庫外宮中 上帝壇應請

罷祭至 奉先殿應照前明洪武三年例朝夕焚香朔望瞻拜時節代為生忌致祭用常饌行家人禮從之通

考

是年 聖祖仁皇帝登極十一月恭奉 世祖章皇帝神牌升附 奉先殿前期祇告是日升附 太廟禮成

聖祖仁皇帝詣 奉先殿奉安 神位行大饗禮如儀是後遇 列聖 列后升附 太廟禮成卽於是日

恭奉 神牌奉安 奉先殿豫期祇告屆日行大饗禮禮成升附奉安如儀通典

又議准朔望獻果品五色酒三爵上香明鐙如遇吉日停止獻禮 會典事例

康熙元年四月丙辰以恭加上 太祖高皇帝 孝慈高皇后 太宗文皇帝 尊謚修飾 神牌安奉 聖

祖仁皇帝親詣行禮通考

六年十一月恭奉 孝康皇后神牌升附 奉先殿 聖祖仁皇帝親詣行大饗禮如儀通典

九年七月加上 孝康章皇后廟號恭奉改題加上 廟號神牌奉安於 奉先殿後殿前期遣官祇告至日

聖祖仁皇帝親詣行禮通典

是年奏准凡祭 奉先殿讀祝官及掌儀司贊禮郎不敷應用時咨取太常寺贊禮郎補用 會典事例

十一年二月 聖祖仁皇帝行耕藉禮前期遣官祇告 奉先殿定爲例通典

十三年定 奉先殿早晚點香燭停止每日供獻每月薦新令內務府掌儀司官於後殿常服上香行禮通

志

是年奏准凡元宵上鐙忌辰均遣官行禮元宵補服忌辰素服 典會例事

是年奏准 駕幸南苑停止告祭 奉先殿典會事例

是年奏准凡遇元旦 太皇太后聖壽 皇太后聖壽 萬壽聖節恭請 太廟後殿 四祖 四后神位於

奉先殿前殿合祭每月朔望冬至至 冊封等日大饗如前會典事例

十四年正月奉 仁孝皇后神牌 謹案 仁孝皇后於雍正元年恭定 尊諡爲 孝誠仁皇后升祔 奉先

殿前期 親詣祇告是日遣官行大饗禮如儀 通典

是年題准凡祭祀 奉先殿祝版內不書 仁孝皇后尊諡凡遇 親詣 後殿告祭行禮時立拈香會典事

例

十五年奏准 冊封等日停止大饗遣官於 後殿祇告會典事例

又奏准凡祇告 奉先殿如遇 躬祀 壇 廟之日俟 壇 廟禮成然後行禮會典事例

十八年四月 通志作十七年閏三月奉 孝昭皇后神牌升祔 奉先殿一如 仁孝皇后祔饗儀 通典

五月以改營 奉先殿遣官祇告恭奉 列祖 列后神牌暫安 太廟 通志

自是暫輟朔望時令祭饗每月令內府官照常薦新有事則告 通典

二十年二月甲午以 奉先殿工竣遣官祇告 太廟乙未恭奉 列祖 列后神牌還御是日 聖祖仁皇

帝親詣致祭行禮 通考

二十三年奏准歲除立春清明霜降日如遇事祇告照常行禮忌辰遇祇告行忌辰禮於次日補行祇告禮會

典事例

二十五年奉 旨凡祭 奉先殿照常奏聞其闕祝版之處不必請旨會典事例

二十七年十月恭奉 孝莊文皇后神牌升祔 奉先殿 聖祖仁皇帝親詣行大饗禮奉安 神位如儀通典

二十八年十一月奉 孝懿皇后神牌升祔 奉先殿一如 仁孝皇后祔饗儀通志

是年奏准祈雨日不宰牲如遇 奉先殿致祭所用牲隻於前一日屠宰會典事例

三十八年奉 旨元旦百官齊集人多奉請 神牌往返朕心未安著大學士內務府禮部太常寺會議具奏

欽此遵 旨議定 四祖神牌安奉 太廟後殿每歲時饗 後殿遣官行禮歲除大飴於 太廟元旦又奉

請 神牌合祭於 奉先殿似屬重複請祠後元旦 皇太后聖壽 萬壽聖節停止奉請 後殿 四祖神

位合祭於 奉先殿即於 太廟後殿遣官一如 奉先殿儀列邊豆讀祝奠帛獻爵行禮會典事例

五十七年十二月恭奉 孝惠章皇后神牌升祔 奉先殿是日遣和碩親王允祉恭代行禮通典

雍正元年七月癸巳以加上 列祖 列后 尊諡恭修飾 奉先殿神牌遣官行禮通志

九月恭奉 聖祖仁皇帝神牌 孝恭仁皇后神牌升祔 奉先殿是日升祔 太廟禮成 世宗憲皇帝詣

奉先殿恭捧 聖祖仁皇帝神牌親王四人恭捧 孝誠仁皇后 孝昭仁皇后 孝懿仁皇后 孝恭仁

皇后神牌奉安於 奉先殿行大饗禮如儀通典

三年五月丙辰恭修飾 奉先殿神牌欽天監敬擇是月十九日申時修飾禮部奏派內務府大臣行禮恭捧

神牌交承修官敬謹修飾通考

七月十四日奉 上諭據禮部奏八月二十三 皇妣孝恭仁皇后服制期滿請照 皇考聖祖仁皇帝釋

服之禮給祭 太廟頒諭中外等語朕疊遭 皇考 皇妣大事追念罔極深恩莫由仰報三年以來祇於宮

禁之中齋居素服默盡思慕哀戚之忱非敢自謂遵循古禮更不欲宣播於眾也父母之喪人子之心則一而
帝后之禮國家之制則殊今八月二十三日屆 皇妣孝恭仁皇后釋服之期審擇日於 奉先殿祭告自行
家禮至於頒諭中外可不必行餘依議雍正內閣 上諭

八月丙戌 世宗憲皇帝躬享 奉先殿釋服卽吉通志

五年奏准春秋 御經筵及 巡幸豫期告祭改爲本日如遇大風雨雪再行請 旨改期至行 耕藉禮定
期亥日仍行豫期告祭會典事例

六年奉 旨嗣後恭奉 神牌慎刑司官不必簡用會典事例

九年奉 旨嗣後恭遇 聖祖仁皇帝聖誕於 奉先殿後殿上香致祭通典

十年議准 奉先殿大祭及祇告遣官暨奉 神牌執事各官均豫期於各該衙門敬謹齋戒會典事例

十二年八月 飭嚴稽察是月庚戌內務府總管和碩莊親王允祿等奏 奉先殿祭祀之期御史三保等於

不應稽察時入殿稽察請交部嚴察議奏奉 諭內務府總管此奏甚屬悖謬稽察豈有一定之時不拘何時

俱可稽察況三保等入內稽察並非正行 祭祀之時據伊等所參是不欲令監察官稽察也卽欲將三保等

參亦不至於嚴加察議著將允祿等交部嚴察議奏通考

十三年奉 旨祭 奉先殿遵 太廟四孟時享之禮增上香儀通志

是年十月奉 旨嗣後朕親詣 奉先殿行禮令太常寺官贊禮執事典事例

乾隆元年三月以加上 列祖 列后 尊諡恭奉改題加上 尊諡神牌奉安於 奉先殿行大饗禮如儀
通考

是年奉 旨 列祖聖誕均應如 聖祖仁皇帝聖誕儀於 奉先殿後殿上香致祭 世宗憲皇帝升祔

奉先殿後 聖誕日亦上香致祭

通典

是年奏准 奉先殿各案增設燭臺二會典事例

又 諭國家式崇 太廟妥侑 列祖神靈歲時祇薦明禋典禮允宜隆備今 廟貌崇嚴而軒櫺棧桷久未

增飾理應敬謹相視慎重繕修以昭勦丕示新之敬著該部會同內務府詳議具奏欽此遵 旨議定先行繕

修 奉先殿應擇吉恭請 列祖 列后神牌於黃輿暫奉安於 太廟中殿寢室自興工以至告成 奉先

殿朔望暫停祭饗每月薦新掌儀司官詣 太廟薦獻遇時饗仍請 太廟神牌至 前殿照常行禮俟工竣

恭請 神牌還御 奉先殿再 奉先殿既繕修增飾其 後殿寢室神龕內一應陳設器物亦應修飾維新

帷幔衾枕等物均照舊式敬謹製造祇告 奉先殿事宜由內務府奏辦祇告 太廟並祭 后土 司工由

禮部太常寺奏辦祝文均由翰林院撰擬 會典事例

又奏准 奉先殿興工吉期遣官祇告畢變儀衛豫設黃輿五於 奉先殿前殿丹陛上均南嚮序列至時內

務府總管率屬詣 後殿上香一跪三叩各恭奉 列聖 列后神牌至 前殿丹陛上謹奉安於黃輿內一

跪三叩退校尉昇輿與前各列 御仗一對禮部太常寺官各二人前導內務府堂屬執事各官均隨行由

奉先門 協和門 午門 端門各中門出至 太廟由中門入至丹陛上北嚮序列內務府官各詣 神牌

與前一跪三叩恭奉 神牌至 太廟中殿寢室內依次奉安於 太廟各 神牌後上香一跪三叩退會其
事例

二年三月恭奉 世宗憲皇帝神牌 孝敬憲皇后神牌升附 奉先殿是日升附 太廟禮成 上親詣

奉先殿行大饗禮奉安 神位如儀通典

七月以修 奉先殿興工恭奉 列祖 列后神牌暫安 太廟是日 皇上親詣祇告通志

八月諭令因修 奉先殿恭請 列祖 列后神牌暫安 太廟中殿八月初九日 太宗文皇帝忌辰十一

日 太祖高皇帝忌辰此二日朕親詣 太廟中殿行禮著總理事務王大臣會同禮部查明禮儀具奏和碩

莊親王允祿等奏言向來恭遇 列祖 列后忌辰 皇上親詣 奉先殿俱用素服至時享及告祭 太廟

皇上親詣俱用朝服並無素服入 廟之制再禮部等前奏 奉先殿興工告成之閒朔望一切祭祀俱遵

康熙十八年修 奉先殿例彼時遇 列祖 列后忌辰 聖祖仁皇帝未嘗親詣 太廟中殿今 太祖

太宗忌辰未便於 太廟素服行禮應請停止從之通典

十月以 奉先殿工竣恭奉 列祖 列后神牌還御是日 皇上出景運門外跪迎 神牌隨至 奉先殿

致祭行禮通志

是年奏准凡恭遇 聖駕巡幸祇告 奉先殿仍於豫期告祭若遇朔望仍於本日告祭典事例

是年奏准修理 奉先殿照康熙十八年改建 奉先殿例前一日遣官祇告 天 地 太廟 奉先殿

社 稷安礮石豎柱上梁插劍均遣官致祭 司工之神會典事例

又奏准修理 奉先殿迎吻照康熙十八年改建 奉先殿例遣官各一人到祭 琉璃窗之神暨經由之正

陽門 大清門 午門 奉先門之神其迎吻時吻上應用裏金銀花二對大紅緞二方龍旗 御仗各二和

鑾署作樂前引承祭官及太常寺堂官執事官並在工各官均簪花披紅行禮祝文由翰林院撰擬承祭官由

太常寺奏遣金花銀花等物由工部製造緞絹等物由戶部移取會典事例

又奏准繕修 奉先殿懸扁額合龍門照例遣官一人祭 司工之神承祭官暨太常寺堂官在工執事各官

均照例簪花披紅一切事宜與迎吻禮同會典事例

又奏准 聖駕謁 陵行禮 啟鑾日及 回鑾次日應祇告 奉先殿現因繕修 奉先殿 列聖 列后

神牌皆安奉 太廟中殿應祇告於 太廟中殿奉 旨前一日親詣行禮欽此是日奏請照祇告 奉先殿

例不設鹵簿王公文武有戴頂官員以上咸朝服在 午門外跪候送迎會典事例

又奏准繕修 奉先殿工竣祇告 天 地 太廟 社 稷並致祭 后土 司工之神與興工禮同會典

事例

又奏准 奉先殿工竣 奉先殿 列聖 列后神牌應由 太廟中殿恭請 還御 奉先殿 親詣致祭

先期開列王員勅貝子等奏請 欽點十四人恭奉 神牌會典事例

三年重修 奉先殿告成是日恭奉 神牌還御於 後殿各寢室會典事例

八年奏准嗣後樂舞生出缺於內務府無錢糧人丁內挑取謹慎清潔之人充補由舞而樂漸次教習與太常寺人員一體當差有通曉樂器者拔補樂生由樂生挑補司樂凡遇考試及挑補內務府官員執事人等差使

之處仍准挑補能兼走者准兼行走遇有別項應陞之缺亦准照品陞補會典事例

十三年議准 奉先殿添設座鐘一議會典事例

又奏准嗣後 奉先殿祭祀所陳樂器移於殿外陳設會典事例

十五年奉 旨 奉先殿張挂慶成鐘歷來每年於正月初七日張挂嗣後著於十二月二十七日起張挂會典事例

十七年十月升祔 孝賢皇后神主於 奉先殿王大臣等奏伏查康熙十三年 孝誠仁皇后山陵禮畢升

祔 奉先殿未祔 太廟我 朝既建 奉先殿與 太廟同尊是以 孝誠仁皇后大禮酌定升祔 奉先

殿以安神爽臣等原議 孝賢皇后神牌升祔 太廟祇係據依戴禮今敬謹詳考具奏伏候 訓示奉 諭

旨 孝賢皇后神主遵照 孝誠仁皇后之例奉安 奉先殿前一日 皇上親詣 奉先殿祇告通志

十八年奉 旨嗣後親詣 奉先殿後殿上香行禮著內務府總管一人前引會典事例

二十三年奏准 聖駕行幸前期祇告如遇大祭則於祝版內書明併告不另行祇告禮會典事例

三十八年奉 旨嗣後致祭 奉先殿院內不必鋪設樓毯下轎處照例鋪設會典事例

四十二年五月乙丑恭奉 孝聖憲皇后神牌升祔 奉先殿是日升祔 太廟禮成 上就位行升祔 奉

先殿致祭禮如朔望大祭儀通考

四十八年十月丙子 上以四詣 盛京恭謁 祖陵禮成 回鑾告祭 奉先殿先是九月己亥奉 諭旨

朕於十月十七日回鑾十八日告祭 奉先殿在前殿行禮所有祭文交翰林院另行敬謹撰擬至是親詣

行禮如朔望大祭儀通考

六十年奉 孝儀皇后神牌升祔 奉先禮 令皇太子代行禮奉 旨皇太子恭祭 奉先殿拜位應設於

殿門檻外階上會典事例

嘉慶四年奉 高宗純皇帝 孝賢純皇后 孝儀純皇后神位升祔 奉先殿 上親詣行禮奉 旨嗣後

聖祖仁皇帝 世宗憲皇帝誕辰行禮俱御藍袍龍褂八月十三日 高宗純皇帝誕辰行禮御龍袍褂會

典事例

又 諭向年恭遇 聖祖仁皇帝忌辰誕辰 皇考俱親詣 奉先殿 壽皇殿行禮而於 世祖章皇帝忌

辰誕辰則遣諸王輪流恭代蓋祀事常儀應有限制是以恭遇忌辰誕辰親詣行禮之處近逮 祖 考而

曾祖以上則遣諸王恭代具有等差本月十三日恭值 聖祖仁皇帝忌辰朕如親詣 奉先殿行禮則視

皇考恭遇 世祖章皇帝忌辰誕辰遣代之禮爲有過之朕不敢也至 壽皇殿則供奉 神御始自 聖祖

與圓明園之 安佑宮相等密邇宮庭較之 奉先殿之崇祀 列聖者又有不同每遇忌辰誕辰例皆陳設

供品本月十三日 聖祖忌辰朕自應親詣 壽皇殿行禮凡我世世子孫皆當永遠遵照遇 祖 考忌辰

誕辰必親詣 奉先殿行禮至 曾祖以上則於 奉先殿應遣恭代其 壽皇殿圓明園之 安佑宮自

聖祖仁皇帝以後萬世供奉每遇忌辰誕辰皆應躬詣展敬所謂禮緣義起者此也著將此旨傳諭近支諸王

並交內務府大臣敬謹存記會典事例

是年加上 孝誠仁皇后 孝昭仁皇后 孝懿仁皇后 孝恭仁皇后 世宗憲皇帝 孝敬憲皇后 孝

聖憲皇后 尊謚神牌安奉 上親詣行禮會典事例

五年諭上年九月 皇考高宗純皇帝升祔後朕於孟冬時饗歲暮禋祭恭詣 太廟行禮而 奉先殿尙未經特祭恭讀 皇考御製詩集注內詳載乾隆戊戌年因 孝聖憲皇后升祔後未經 親詣 奉先殿特於是年孟秋之朔 親詣致祭而孟秋時饗 太廟循例遣王恭代朕思中元爲祭祀之辰朕本擬恭詣 裕陵致祭因查乾隆二年 皇考曾經降旨以秋令正值禾黍暢茂恐致扈從人馬踐踏是以未經前詣 泰陵朕自當敬守 前謨不敢過禮至 奉先殿致祭則有 皇考成例所當效法遵行今朕特於中元恭詣 奉先殿前殿讀祝致祭以申誠敬所有應行典禮著各該衙門照例敬謹豫備俟祭畢再恭詣 壽皇殿拈香行禮其孟秋時饗 太廟仍照例遣王恭代會典事例

禮親王曰古制后先帝崩則祔祀於廟設位於其姑下然遇行祫祭之禮動多闕礙至明世宗預祧仁宗以方后入祔益非法矣 本朝定制凡 后先崩暫奉安 神主於 奉先殿夾室中如 孝敬憲皇后 孝賢純皇后 孝儀純皇后皆沿是制勝古制多矣 懋亭續錄

六年奉 孝淑皇后神位升祔於 奉先殿一如 孝賢純皇后儀會典事例

十一年丙寅十月庚子諭內閣向來太常寺衙門每次呈進恭祭 太廟本章內閣將親詣行禮及遣員恭代之處照例票擬雙簽請旨惟恭祭 奉先殿內務府衙門祇將派出輪直行禮之阿哥王貝勒貝子公指名繕寫緣頭牌奏聞其有應親詣行禮者俱係屆期特旨諭知內務府從不先行奏請辦理未能畫一嗣後著內務府於恭祭 奉先殿除例係阿哥及王貝勒等輪直行禮日期仍照舊輪派奏聞外其應親詣行禮日期著繕

寫綠頭牌兩分將親詣行禮或遣派恭代奏明雙請候旨遵行

聖訓

道光二年閏三月庚辰諭內閣上年三月 皇考仁宗睿皇帝升祔後朕於孟秋孟冬時享歲暮祫祭恭詣

太廟行禮而 奉先殿未經特祭恭查嘉慶四年 皇祖高宗純皇帝升祔後 皇考特於次年中元親詣

奉先殿致祭行禮今朕自當敬法 前謨用申誠惓謹於四月初一日恭詣 奉先殿前殿讀祝致祭所有應

行典禮著各該衙門照例敬謹豫備其孟夏時享 太廟仍照例遣王恭代

聖訓

咸豐二年四月乙未諭內閣本年三月 皇考宣宗成皇帝升祔禮成朕釋服後於本月十六日恭詣 太廟

行祫祭禮 奉先殿亦應敬舉特祭之典恭查從前 皇祖仁宗睿皇帝升祔後 皇考復親詣 奉先殿致

祭行禮朕敬法 前謨用申誠惓謹於五月十一日恭詣 奉先殿前殿讀祝致祭所有應行禮節著各該衙

門照例敬謹豫備

三年三月丙午恭奉 孝和睿皇后神牌升祔 太廟奉安 神牌於 奉先殿

十一月丁卯以 孝德皇后升祔 奉先殿 上親詣祭告

五年七月己酉 命恭親王奕訢恭捧 孝靜康慈皇后神牌升祔 奉先殿以上東華續錄

甲戌諭內閣朕蒙 大行皇太后撫育深恩十有五載是以崇上 尊號稍展孝思初九日痛遭 仙馭升遐

一切典禮俱命該衙門敬謹豫備惟念 升祔 太廟大典攸關 列聖相承具有定制朕不敢以一己之感

恩致違 大行皇太后謙沖之盛德將來奉安 山陵禮成後恭奉 神牌黃輿還京敬謹 升祔 奉先

殿以申永慕所有應行典禮著該衙門屆時查例具奏